



**Claudii Fleurii Abbatis Historia Ecclesiastica**

Ab anno Christi 1541. usque ad annum 1546

**Fleury, Claude**

**August. Vind. [u.a.], 1770**

**VD18 90118510**

§. 95. Concilii inchoatio Pontificis Diplomate die decima tertia Decembris  
indicta.

---

[urn:nbn:de:hbz:466:1-66615](https://nbn-resolving.de/urn:nbn:de:hbz:466:1-66615)

Sæcul. XVI.  
A.C. 1545.

choationem præpedire nitebatur; comitiorum enim, quæ ad proximum mensem Junium Ratisbonæ celebranda indixerat, successum præstolari cupiebat: tandem vero mense Octobri ad medium vergente consensit, ut Concilio initium daretur, dummodo nec de fidei articulis, nec de alio quoque argumento, quod Lutheri hæresin spectat, ibidem ageretur, sed unice de morum emendatione mentio fieret, verebatur enim Imperator, ne Protestantium animi magis exacerbarentur. Pono quamvis ejusmodi conditiones vel ide Pontificis iram provocarent, eo quod hac ratione victæ fere manus Lutheri fautoribus darentur, eorumque factio novis firmaretur incrementis, indignationi tamen suæ imperabat, suoque Nuntio in mandatis dabat, ut in Cæsar's obsequium sine ulteriori mora Synodus auspicaretur, cunctisque fidem daret, quod plena ibidem libertas omnibus concederetur, moreque solito cuncta peragerentur, quin de argumentorum ordine ulla fieret mentio, sive demum primo de disciplinæ emendatione initium daretur, sive præ ceteris aliis quæstionibus controversi dogmatum articuli discuterentur.

§. XCV.

*Concilii inchoatio Pontificis diplomate die decima tertia Decembris indicta.*

*Pallav. l.c.*

**D**ie trigesima prima Octobris summu Pontifex ad suos Legatos diploma trans-

transmisit, in quo hæc continebantur : Sæcul. XVI.  
„Quoniam die Dominica *Lætare* seu quar- A.C. 1545.  
„ta jejunii verni Dominica Concilio ini-  
„tium dari haud potuit, omnino inchoan-  
„dum erit die decima tertia Decembris,  
„in quam incidit tertia Dominica anni-  
„versariæ adventantis Christi memoriaræ;  
„ea vero potius selecta est Dominica, quia  
„illius Missa initium sumit a verbo *Gaude-*  
„*te*, ut gaudium significaretur, quo ex tam  
„felici Nuntio tum Præfules Tridenti a-  
„gentes, tum universa Christiana respu-  
„blica afficeretur. „ Enimvero Episcopi  
tanto majori perfundebantur lætitia, quo  
vehementius pertimescebant, ne longo  
adhuc tempore Tridenti re infecta hære-  
ie compellerentur. Præterea separatim  
Legati illud receperunt diploma, quod ad  
asta referri, atque in eo declarari postula-  
bant, longiorem Concilii moram eis vitio  
haud vertendam, nunc vero post matu-  
ram deliberationem Sessionibus initium  
esse dandum. Denique Germaniæ Epi-  
scopis Synodus per suos Procuratores  
accedendi libertas fuit indulta, eoque  
invalescente hæresi eorum præsentia in  
Diœcesibus summopere necessaria esset:  
ne vero ceteri Prælati hac indulgentia ab-  
uterentur, hinc data est Legatis facultas,  
ut hujus privilegii concessionem pruden-  
ter ac circumspicte juxta veram uniuscu-  
jusque necessitatem dispensare valerent.

Ceterum Legati nova identidem anxie-

Y 4

tate

Sæc. XVI.  
A.C. 1545.

*Memoir. &  
instruc. du  
Roi touchant  
le Conc. de  
Trente in 4.  
a Paris 1654.  
p. 20.*

tate agitabantur, eo quod Galliarum Rex Claudium Urseum Forensem Gubernatorem, Jacobum Linierum Parisiensis Curiae Præsidem, & Petrum Danesum Sezauniensem Præpositum, quos jam die tertia Maji tanquam suos Procuratores ad Concilium ablegaverat, rursum ea de causa revocasset, quod Regni sui Præfules Regi significassem, ob nova obstacula in dies mota nullam futuri Concilii spem superesse. Cum autem Legati hanc revocationem interpretarentur, perinde ac si Res Synodus ratam habere nollet, hinc horum Oratorum discessum præpedire omnibus viribus adlaborabant, eisdem exponentes, quod Galliarum Rex sententiam suam abs dubio mutaturus esset, i præsentem rerum vicissitudinem fats perspectam haberet. Accedere etiam Hispaniæ & Italiæ Episcopi, qui unacum Fæpae Legatis Galliarum Oratores ibi detinere nitebantur: imo ipse etiam Granvelanus his operam suam junxit, atque una omnes Gallorum discessum reprobantes haud abs re fore existimabant, si Claudio Dodieur Rhenensis Episcopus, unus ex tribus illis Franciæ Episcopis, qui Tridentum venerant, solus ad Galliarum Regem decerneretur, eumque de tota rei serie certiore faceret, reliqui vero duo, nimirum Aquensis, & Agdensis Episcopi Tridenti persisterent. Hoc etiam consilium Rex postmodum ratum habuit.

HISTO-